

Հավելված N 4
ՀՀ պետական եկամուտների կոմիտեի նախագահի
«05» հունիսի 2023թ. N 560-Լ հրամանի
05100010/28072023/00001972

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
Երևանի մաքսային սպասարկման կենտրոն-մաքսատուն, վարչություն
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ վարչական տույժ նշանակելու մասին

«28» հուլիսի 2023թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով «4 ավտո դիսթրիբյուշն» ՍՊԸ-ի (ՀՎՀՀ՝ 08215025, հասցեն՝ ՀՀ, Աղայանս, քննելով «4 ավտո դիսթրիբյուշն» ՍՊԸ-ի (ՀՎՀՀ՝ 08215025, հասցեն՝ ՀՀ, Աղայանս, ք. Երևան, Փ. Բուզանդի փող., 13/109) լիազոր անձ Գոռ Ավետիսյանի (անձնագիր՝ 014327878, հասցե՝ ՀՀ, ք. Երևան, Փ. Բուզանդի փող., 13/109) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«4 ավտո դիսթրիբյուշն» ՍՊԸ-ի անվամբ թիվ 05100010/030723/0067199 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են 1,591 կգ ընդհանուր քաշով ապրանքներ:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության բացթողնման բաժնի մաքսային տեսուչի կողմից 24.07.2023թ. կազմված մաքսային զննման (տեսազննման) թիվ 375 ակտի համաձայն՝ «4 ավտո դիսթրիբյուշն» ՍՊԸ-ի անվամբ, համաձայն թիվ 05100022/190623/0021239 տարանցիկ հայտարարագրի, Շվեյցարիայից ՀՀ է ներմուծվել բեռ, որը հայտարարագրվել է թիվ 05100010/030723/0067199 ապրանքների հայտարարագրով: Հայտարարագրի զննման արդյունքում պարզվել է, որ 4-րդ ապրանքային դիրքում հայտարարագրված ապրանքը չի համապատասխանում փաստացիին, ինչպես նաև առկա են չհայտարարագրված ապրանքներ:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության բացթողնման բաժնի մաքսային տեսուչի կողմից 24.07.2023թ. «4 ավտո դիսթրիբյուշն» ՍՊԸ-ի լիազոր անձ Գոռ Ավետիսյանի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 316-րդ հոդվածի հատկանիշներով, իսկ թիվ 05100010/030723/0067199 ապրանքների հայտարարագրով ձևակերպված բեռի բացթողումը մերժվել է:

Մաքսային կանոնների խախտման վերաբերյալ գործի քննությունը նշանակվել է 28.07.2023թ. ժամը 15:45-ին, ինչի անցկացման վայրի և ժամանակի մասին ծանուցումն առձեռն հանձնվել է «4 ավտո դիսթրիբյուշն» ՍՊԸ-ի լիազոր անձ Գոռ Ավետիսյանին, ով գործի քննության ընթացքում առարկություններ չի ներկայացրել:

Նյութերի ուսումնասիրությունից պարզվել է, որ «4 ավտո դիսթրիբյուշն» ՍՊԸ-ի անվամբ թիվ 05100010/030723/0067199 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել է բեռ, սակայն հայտարարագիրը ներկայացվել է 4-րդ ապրանքային դիրքի վերաբերյալ ոչ ճշգրիտ տվյալներով:

Թիվ 05100010/030723/0067199 ԱՀ-ով հայտարարագրված 4-րդ ապրանքանունը, փաստացի զննությամբ հայտնաբերված նկարագրության, ԱՏԳ ԱԱ ծածկագրի, համապատասխան մաքսային արժեքի վերաբերյալ ճշգրիտ տվյալներով հայտարարագրելու արդյունքում առ 03.07.2023թ. դրությամբ կառաջանար մաքսային վճարների, մաքսային մարմինների կողմից գանձվող այլ հարկերի, տուրքերի և վճարների պակաս հաշվարկում՝ ընդհանուր **5,071,177 ՀՀ դրամի** չափով (հիմք՝ գեկուցագիր թիվ Ն/20-1/144827-2023 առ 28.07.2023թ.):

ԵԱՏՄ Մաքսային Միության Հանձնաժողովի 20.05.2010թ-ի թիվ 257 որոշմամբ հաստատված՝ ապրանքների մաքսային հայտարարագրի լրացման կարգի 14-րդ կետով սահմանված են ներմուծված ապրանքների հայտարարագրման դեպքում ապրանքների հայտարարագրում հայտարարատուի կողմից լրացման ենթակա սյունակները, որոնց մեջ ներառված են նաև 31-րդ, 33-րդ, 45-րդ սյունակները:

ՀՀ մաքսային կարգավորման մասին օրենքի 301-րդ հոդվածի 1-ին մասի համաձայն՝ Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային կարգավորման մասին օրենքի 316-րդ հոդվածի 3-րդ մասի համաձայն՝ ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով առաջանում է մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի), տուրքերի չհաշվարկում (պակաս հաշվարկում) կամ չվճարում (պակաս վճարում)՝ հանցագործության հատկանիշների բացակայության դեպքում՝ առաջացնում է տուգանք՝ չհաշվարկված (պակաս հաշվարկված) կամ չվճարված (պակաս վճարված) մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) ընդհանուր գումարի քսան տոկոսի չափով, բայց ոչ պակաս, քան երեսուն հազար դրամի չափով:

Այսպիսով, «4 ավտո դիսթրիբյուշն» ՍՊԸ-ի լիազոր անձ Գոռ Ավետիսյանը թույլ է տվել ՀՀ մաքսային կարգավորման մասին օրենքի 316-րդ հոդվածի 3-րդ մասով նախատեսված մաքսային կանոնների խախտում՝ ապրանքները ոչ իրենց անվամբ հայտարարագրելով, որի

հետևանքով առաջացել է մաքսային վճարների, մաքսային մարմինների կողմից գանձվող այլ հարկերի, տուրքերի և վճարների պակաս հաշվարկում:

Ելնելով վերոգրյալից և ղեկավարվելով ՀՀ մաքսային կարգավորման մասին օրենքի 334-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային կարգավորման մասին օրենքի 316-րդ հոդվածի 3-րդ մասով նախատեսված մաքսային կանոնների խախտում կատարելու համար «4 ավտո դիսթրիբյուշն» ՍՊԸ-ի լիազոր անձ Գոռ Ավետիսյանին ենթարկել վարչական պատասխանատվության՝ տուգանելով **1,014,235 ՀՀ դրամ**:
2. Որոշման մասին հայտնել «4 ավտո դիսթրիբյուշն» ՍՊԸ-ի լիազոր անձ Գոռ Ավետիսյանին՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային ծառայության մասին օրենքի 37-րդ հոդվածի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո երկամսյա ժամկետում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

**ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԿԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ
ՊԵՏԻ ՏԵՂԱԿԱԼ**

ԱՂԱՍԻ ԱՂԱՅԱՆ

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի ներկայացուցչի անունը, ազգանունը, հայրանունը և լիազորությունը հաստատող փաստաթղթի տվյալները)

(ստորագրություն)

« _____ » _____ 2023 թ.
(որոշման օրինակի ստացման ամսաթիվը)

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի № 900005024055 հաշվեհամարին 27 ծածկագրով:
Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: